

E manushengi informisarimaski kampania anda e alosarnosko identitetako lil (Voter ID) - Pushlimata thai angledimata thode butivar

E manushengi informisarimaski kampania anda e alosarnosko identitetako lil (Voter ID)

So si Greater London Authority?

O Greater London Authority (GLA), sa kadia prinjardo sar E Londraki Mujalin, sî o regionalo guvernino e Londrako, e zoriasa opral e Bari Londra (Greater Londra) thai opral o foros Londra. O GLA sî kârdo andar e Londrako Muialo thai e Londrako Kidimos.

Kon sî Shout Out UK?

Shout Out UK (SOUK) sî iekh impartialo, kreativo, socialo kampania kai sî la o sherutno obiekto te bariarel o politiko thai o mass media sîkavimos ke terne manusha. SOUK sas o partenero savo bishaldo informatia andar o London Voter Registration Week, kai sas koordinisardo katar o GLA ande bårsha 2020-2023. Andar e manushengi informisarimaski kampania pala e alosarnosko identitetako lil (Voter ID), SOUK ka promovisarel thai ka del saurrã resurse, vi butia andar o socialo media, kopia katar socialo media k-ashte ristiarel pes so sî impartialo orkana, vi sîkavimaske materialea, ke komunitates thai parteneria andar e sasti Londra hai sîkavimaske institucie.

So si e manushengi informisarimaski kampania anda e alosarnosko identitetako lil (Voter ID)?

O Alomasko Akto andias paruvimata ko modo kai ame votias thai kon dashti te votil.

Anda kodia, o Greater London Authority thai iekh koalitia kârdi andar mai but organizatie save reprezentisaren e civilo societatea, sîkavimaske institutie thaj sauorrã alomaske servisura e distriktoienge andar e Londra kiden pe iekh thaneste te kårn iekh impartialo informisarimaski kampania e manushengi. E kampania kamel te informisarel sauorrã eligibilo londonezia, maj but e londonezia save/kai sî bi dosta reprezentisarde thai registrisarde thai sî len diferime beshimaske konditie, andãl kadala paruvimata save na sas maj anglal, savendar mai importante sî o musaiutno indentitetako lil e fotografiasa k-ashte te votin personalo ande alosarimata save/kai avena, sar sî e generalo alosarimata, lokalo/pe distriktoia alosarimata thaj alosarimata anda e Londrako Muialo/Londrako Kidimos andi Londra.

E informisarimaski kampania kârdi katar o GLA (Greater London Authority) sî koordinisardi e Alomaske Komisiasa thai kârdi katar o Shout Out UK (SOUK). Bazisarindos po modelo kai dikhãl o bershutno Kurko anda e Alosarnengi Registracia ke Londra (annual London Voter Registration Week), o GLA thaj o SOUK kârde informisarimaske thai sîkavimaske materialea e bi dosta reprezentisarde komunitienta save na avena azbale egalo kadale paruvimatendar. E materialea ka aven thode online thai o informisarimasko aktivimos kårãla pes offline e jutimasa e organizatiako the3million (faza iekh), e kompaniako Migrant Democracy Project (faza dui), thai e bare partenerienge koalitiako andar i sasti Londra.

Ande paralela, thai te kompletel pe kadaua aktivimos, e bahtale licitancia k-o granturengo programo anda o informisarimos pa identitetake lila e alosarnenge GLA ka kårn buti ando lasho komunitaro

kadro. Tume dashti te arakhän mai but informatie po GLA Democracy Hub (GLA Demokratiako centro) po <https://registertovote.london/>

Sostar ame kãras kadaia buti/Savo impakto ka avel opral e londonezia?

E paruvimata ke demokratikane drepturia andine katar o Alomasko Akto (2022) thode bare barierea/lupunza ke londonezia bi dosta registrisarde thai reprezentisarde, andar savende but sas bi egaloz azbale e pandemiatar Covid thai e lovenge krizatar.

[E Londra sî la iekh andar e mai tikne registratiake rate e alosarnenge](#) ande saurrã thana/regiunia thai ke saurrã natie andar UK, pashal iekh andar trin londonezia (kai sî len 16-24 bãrsh) thai iekh andar panj kale londonezia na sî registrisarde te votin.

O ciaciarnos/sîkavimos katar o Joseph Rowntree Foundation (februaro 2022), Trust for London thai the3million ("London Voices: The Journet to Full Participation", decembro 2021) thai katar o alosarnos anda o GLA (augusto 2022 thai marto 2023) prinjarel e manushen thai e komunitates save dashti te na aven len iekh akceptisardo identitetako lil e fotografiasa k-ashti te votin. Kadala sî:

- terne londonezia (kai si len 18-25 bãrsh)
- londonezia kale, asiatiko, andar e minoritaro etnia hai migranto, vi e londonezia katar EU
- londonezia kashuke thai e dizabilitetosa
- phure londonezia
- londonezia LGBTQ+, e akcentosa pe londonezia trans thai non-binaro
- londonezia kai si len hantî love
- londonezia kai beshen andãl socialo or privato khãra, thai londonezia save beshen andãl ciororre khãra, vi bikhãreske londonezia

Kãrau mangã grija anda o thovimos ande praktika e identitetake lilesko e fotografiasa k-ashte votias, kasa dashti te dau дума?

O GLA na thodia ande praktika o identitetako lil e fotografiasa k-ashte votil thai les sî les numa zoria te informisarel thai te zumavel te rezolvisarel e pharimata dikhindos e egalitatea.

Te kames te ajutis amen de vi le avrengã amare resurse, k-ashte avas siguro so ame aresas ke but londonezia, rugias tumen te ramosaren/hramon tume pi amari mailing (elektroniko poshta) lista <https://registertovote.london/contact-us/sign-up-for-updates/>. Kana san iekh organizacia andar e civilo societatea, rugias tumen te den дума orta e ekipasa katar o GLA Democratic Participation ke abbi.barnett@london.gov.uk

Te kames te phenes tire dara andar o thovimos ande praktika e identitetake lilesko e fotografiasa k-ashte votis, dashti te ramosares/hramos iekh emailo ke correspondence@levellingup.gov.uk or te ramosares ko Department for Levelling Up, Housing and Communities, 2 Marsham Street, London, SW1P 4DF

Mangimos te sîkaves identitetako lil e fotografiasa k-ashte votis personalo

Save identitetake lila e fotografiasa (photo ID) kam aven akceptisarde k-ashte votis personalo?

E identitetake lila e fotografiasa akceptisarde te votis n-ashti te aven orso forma e identitetake lileski. E londonezia trãbul te aven len thai te prezentisaren **iekh** andar kadala akceptisarde identitetake lila prinjarde ande legia sar o ciaciarnos e identitetako manglo k-ashte votis:

- Iekh pashaporto UK

- Iekh pashaporto kårdo katar iekh them andar e Evroputni Ekonomikani Zona (EEA) or katar o Commonwealth
- Iekh nationalo identitetako lil kårdo katar iekh them andar e EEA
- Iekh tradimasko lil (UK driving licence) kårdo ando UK (e fotografiasa, e lila andar papiri na avena akceptime)
- Iekh tradimasko lil kårdo katar Channel Islands, Isle of Man or iekh them andar EEA
- Iekh biometriko imigraciako dokumento
- Iekh identitetako lil kai sîkavel o bershimos, akredime katar o PASS (a PASS card)
- Lil 90 katar e Arakhimasko Ministerio (Ministry of Defence form, Defence Identity Card)
- Phirimaske abonamentea bikuci, potinde katar o guverno UK: autobuzosko abonamento andål phure manusha, autobuzosko abonamento andål manusha e dizabilitetosa, kardo Oyster 60+, abonamento Freedom (Freedom Pass)
- Iekh parkimasko lil andar e manusha e dizabilitetosa (Blue Badge)
- Iekh bilovengo alosarnosko certifikato (Voter Authority Certificate)

Mangas tumen te inkårån godiate so tråbul te lien tumentsa **o originalo** identitetako lil e fotografiasa ke votimaski sekcia. Kopie e dokumentenge thaj fotografies po telefono na avena akceptisarde.

E manusha dashti te folosin iekh identitetako lil e fotografiasa savo na mai sî lasho kana von dashti te aven prinjarde andar e fotografia. Si mai but informatie po saito e Alomaske Komisiako anda e saorrå identitetake lila akceptisarde po electoralcommission.org.uk/voterID.

Kana von na sî pi lista, aver identitetake lila e fotografiasa kårde katar iekh trinto kotor **na avena** akceptisarde sar ciaciarimos e identitetako k-ashte votin.

Kai dashti te arakhau mai but informatie thaj jutimos te lau iekh akceptisardo identitetako lil k-ashte votiau?

E Alomaski Komisia dinias avri iekh nationalo sîkavipen po electoralcommission.org.uk/voterID

Tu dashti te arakhås e resurse kai dikhån e obiekto kampania pa identitetake lila e alosarnengå anda GLA thaj mai but informatie pa sar te implikizes tut po GLA Democracy Hub po <https://registertovote.london/>

Dashti te aplikis, te neviarås or te kårås e aktualizatia anda tiro tradimasko lil (driving licence), te dikhås or te ulaves tiro tradimasko lil po <https://www.gov.uk/browse/driving/driving-licences>

Dashti te aplikis online anda iekh britaniko pashaporto po <https://www.gov.uk/apply-renew-passport>. Tu dashti te les formulare anda o pashaporto katar tiro lokalo poshtako birovo ([local Post Office](#)) thaj te aplikis andar e poshta or te folosies o serviso anda i verifikarea thaj o bishalimos katar e poshta ([Post Office Check and Send service](#))

Tu dashti te arakhås mai but pa fotokardo 60+ London Oyster po <https://tfl.gov.uk/fares/free-and-discounted-travel/60-plus-oyster-photocard>

Tu dashti te aplikis anda iekh nevo parkimasko lil andar e manusha e dizabilitetosa (Blue Badge) po <https://www.gov.uk/apply-blue-badge>. Anda pushlimata pa skema Blue Badge ([kontaktize tiro lokalo konsilo](#))

I fundacia The Big Issue Foundation sî la iekh jutimasko fondo (Hand Up Fund) anda e manusha saven na-i len khâr or sî len ciororro khâr thai trâbul lengă jutimos te lien iekh identitetako lil e fotografiassa. Anda mai but informatie roden po <https://www.bigissue.com/big-issue-foundation/>

Tiro lokalo sfato anda cetăteania (Citizens Advice) dashti vi vov te ajutil tut. Arakh tiro sektoro po <https://www.citizensadvice.org.uk/>

Dashti te aplikis anda iekh bilovengo alosarnosko sertifikato (Voter Authority Certificate) po <https://www.gov.uk/apply-for-photo-id-voter-authority-certificate>

Kana del pe drom ko mangimos te sîkaves o identitetako lil e fotografiassa, te votis personalo?

O mangimos iekhe identitetake lilesko e fotografiassa te votil personalo sas aplikabilo ke lokalo alosarimata andi Anglia katar o maio 2023. Andar kodia kă akana na-i planifikisarde alosarimata andi Londra ando bārsh 2023, e anglal data kana ka aplikil pe andi Londra avela ando maio 2024, ke alosarimata anda e Londrako Muialo thaj e Londrako Kidimos. O mangimos savo dikhâl e UK generalo parlamentaro alosarimata ka avel les efeko anda e alosarimata pala o 5 octobro 2023.

Sostar aver identitetake lila na sî akceptisarde?

E legia sîkavel e tipuria e dokumentengă kai sî e akceptisarde identitetake lila e fotografiassa. E decizia anda kadala sas lini e guvernostar UK.

O governo UK dinias po but informatie andar save identitetake lila e fotografiassa sî akceptisarde thai save na sî akceptisarde, thai vi e kriterie save sas line ando dikhimos. Tume dashti te arakhân kodia po <https://www.gov.uk/government/publications/voter-identification-at-polling-stations-and-the-new-voter-card/protecting-the-integrity-of-our-elections-voter-identification-at-polling-stations-and-the-new-voter-card>

So avela kana me jau ke votimaski sekcia iekhe bi akceptisarde identitetake lilesa e fotografiassa?

Kana jas ke votimaski sekcia te votis iekhe identitetake lilesa e fotografiassa savo/kai na-i akceptisardo, na dena tukă iekh votosko lil thai trâbula te aves palpale iekhe identitetake lilesa e fotografiassa kai sî akceptisardo.

Te sîkaves iekh originalo akceptisardo identitetako lil e fotografiassa kana aves palpale, trâbulas te dashti te votis.

So sî kana na kamau te sîkavau o identitetako lil e fotografiassa k-ashte votiau?

Kana na kames te sîkaves iekh identitetako lil e fotografiassa ke votimaski sekcia, dashti te aplikis te votis andar e poshta or andar iekh aver manush/reprezentanto. Na mangâl pe identitetako lil e fotografiassa kana aplikis or votis andar e poshta or andar iekh aver manush/reprezentanto. E manusheskă kai/saves trades/bishales ka mangân te sîkavel lesko akceptisardo identitetako lil e fotografiassa ke votimaski sekcia, kana vov votil anda tute.

So detaia/date ka aven verifikisarde po mîrro identitetako lil e fotografiasa?

E verifikăria e identitetake lilenge e fotografiasa ke votimaski sekcia rodona te konfirmisaren kă o anau kai sî po tiro identitetako lil e fotografiasa si saiekh e anauasa kai sî pi elektoralo/alomaski lista. E manusha save kărăn buti ke votimaski sekcia na ka verifikin po tiro identitetako lil tiro gendero, tiri adresa or nationalitatea.

O anau pi elektoralo/alomaski lista na sî saiekh e anauasa po mîrro identitetako lil e fotografiasa, so te kărau?

Kana tiro anau si aver pi alomaski lista de sar sî po tiro identitetako lil e fotografiasa, tu dashti te:

- anes tusa iekh oficalo dokumento sar iekh ciaciarimos so paruvdian o anau, sar sî iekh pradimasko sertifikato (hai vi tiro identitetako lil e fotografiasa)
- tu dashti te aplikis anda iekh bilovengo sertifikato e alosarnesko (Voter Authority Certificate) folosindos o anau savo/kai tu registrisardian te votis thai iekh fotografia kai kărdian na but anglal.
- or tu dashti te kontaktizes tiri lokalo ekipa savi ristiarel e alomaske servisura te paruves tiro anau pi alomaski lista.

Dashti te verifikin mangă mîrro identitetako lil e fotografiasa ando privato? Trăbul te phenau sostar?

Va, iekh privato than ka avel disponibilo ande votimaski sekcia anda kadaia res. Tu dashti te mangăs te verifikin tukă tiro identitetako lil e fotografiasa ando privato. Kasave mangimata dashti te aven kărde diskreto thai respektuoso.

Na, na trăbul te phenes sostar, thai khonik na trăbul te pushel tut sostar kames kadia.

Kărau mangă grija te folosiau iekh identitetako lil e fotografiasa kai sîkavel mîrro gendero k-ashte votiau, so dashti te kărau?

O anau po tiro identitetako lil e fotografiasa trăbulas te avel saiekh e anauasa kai tu registrisardian te votis. Na trăbul te sîkaves iekh identitetako lil e fotografiasa kai sî les genderosko semno.

Kana na-i tut iekh identitetako lil e fotografiasa, daras te folosies iekh identitetako lil e fotografiasa kai sî les genderosko semno, or na san siguro kă sîkaves sar ando tiro identitetako lil, dashti te aplikis anda iekh alosarnosko sertifikato (Voter Authority Certificate)

<https://www.gov.uk/apply-for-photo-id-voter-authority-certificate>. O alosarnosko sertifikato na-i les genderosko semno.

So dashti te kărau kana mîrro identitetako lil e fotografiasa si hasardo, ciordo, phago or musardo anglal o alomasko des?

Kana tiro identitetako lil e fotografiasa si hasardo, ciordo, phago or musardo thai o termeno te aplikis anda iekh alosarnosko sertifikato (Voter Authority Certificate) nakhlo, dashti te aplikis anda iekh sigiaro voto andar iekh aver manush/reprezentanto

<https://www.electoralcommission.org.uk/i-am-a/voter/apply-vote-proxy>

Kadaia sî iekh buti anda saviate na janesas mai anglal o orta termeno k-ashte votis anda iekh aver manush/reprezentanto. Kadava formularo dashti te avel folosime vi kana tiro dokumento anda o anonimo alosarno si hasardo, ciordo, phago or musardo. Kadala aplikatie dashti te aven kârde ji ko 5 pala o mesmeri ando votimasko ges.

Bilovengo alosarnosko sertifikato (Free Voter Authority Certificate)

Sar dashti te aplikiau anda iekh bilovengo alosarnosko sertifikato?

Kana na-i tut iekh andar e akceptisarde identitetake lila e fotografiasa k-ashte votis, dashti te aplikis anda iekh bilovengo alosarnosko sertifikato (Voter Authority Certificate). Trâbul te des iekh fotografia, tiri data e kârimasti thai tiro numâro pa nationalo asigurarea (National Insurance Number) sar iekh kotor e aplikaciako. Te na janes tiro numâro pa nationalo asigurarea, or na-i tut iekh, dashti te aplikis orsar. Tiro konsilo ka kontaktizâl tut te mangâl tukâ iekh aver ciaciarimos tire identitetako.

Tu dashti te aplikis online po <https://www.gov.uk/apply-for-photo-id-voter-authority-certificate> . Or dashti te ramosares/hramos iekh papiriako formularo thai te bishales les tire lokalone / thanutne konsiloste. Tu dashti te mangâs ke sîkavimata te aven kârde e bare rimosarimosa / hramosa (Large Print), rimosarimosa Braille or rimosarimosa savo drabarâl/citil pe lokhes (Easy Read).

K-ashte kontaktizes tiri lokalo ekipa anda e alomaske servisura, rimosar tiro poshtako kodo kathe/kata <https://www.electoralcommission.org.uk/i-am-a/voter/your-election-information>

So informatia sî thodi ande alosarnosko sertifikato (Voter Authority Certificate)?

O bilovengo alosarnosko sertifikato ka sîkavel tiro sasto anau thai fotografia, o lokalo konsilo kai kârdias les, iekh lasho identifikatoro (informatia kai sî lan numerea thai literea dine e konsilostar) e data kana sas dino avri thai e rekomendisardi data kana te kâres iekh nevo sertifikato.

So mangimata sî anda e fotografia kana aplikis anda iekh alosarnosko sertifikato?

Sar iekh kotor e aplikaciake procesosko anda iekh alosarnosko sertifikato, ka trâbul te des iekh fotografia kai sas kârdi na but anglal. E mangimata anda e fotografia si saiekh e mangimatentsa anda e fotografie kai trâbul tukâ ko pashaporto thai trâbul te sîkavel tiro shero thai tire dume/phike, te na aves tut o shero paciardo – dashti te paciare tiro shero kana sî tut religioso or sastimaske motive.

E fotografiako stilo

E fotografia trâbul te avel e manusheski savo/kai aplikil:

- E muiasa angle thai te dikhâl orto ke kamera
- Iekh fotografia e shereski thai e dumengi, kârdi pashe, o shero te na avel paciardo khancesa. O manush dashti te paciarel pesko shero kana sî les religioso or sastimaske motive. O mui na trâbul te avel paciardo.
- Te na dikhâl pe iekh aver jeno/manush
- E muiieski ekspresia te avel sadi/simplo, e iakha te aven pîtarde thai te dikhân pe shukar, sar sî te na aven khameske okelarea, thai te na aven angaravde e balendar.

Mangas tumen te inkârân godiate so kadaia buti na aplikil pe kana o manush kai aplikil na dashti te anel iekh fotografia kai respektil iekh andar kodola mangimata or ildui andar kodia kâ si les orso dizabiliteto.

E fotografiaki kaliteta

E fotografia e manushesko savo aplikil trābul:

- Te avel lashi
- Te avel makhli/rangiardi/kolorime
- Te avel kārdi pa iekh orta, dudalo fundalo
- Te avel la lasho fokuso thaj te avel dudali/klaro
- Te na avel la o efekto e lole iakhengo, te na aven ushala or refleksia save te angarauen o mui
- Te na avel musardi/rimome

E fotografiako barimos

Kana o jeno aplikil online, e fotografia kai vov bishalāl trābul:

- Te avel la po hantsî 750 pikselia ando ushimos thaj 600 pikselia ando buhlimos
- Te avel thodi and-iekh elektroniko failo savo na sî mai baro sar 20MB

Kana o jeno/manush aplikil folosindos iekh papiriako formularo i fotografia trābul:

- Te avel la po hantsî 45 milimetria ando ushimos thaj 35 milimetria ando buhlimos
- Te na avel mai bari sar 297 milimetria ando ushimos or 210 milimetria ando buhlimos

Kai dashti te avau jutisardo te kĕrau e aplikatia anda iekh bilovengo alosarnosko sertifikato?

Kana trābul tukĕ jutimos te aplikis anda iekh bilovengo alosarnosko sertifikato, te kĕres iekh fotografia anda tiri aplikatia or kames te mangĕs iekh papiriako formularo, dashti te kontaktizes i ekipa kai kĕrĕl buti anda alomaske servisura ando tiro thanutno / distrikosko konsilo.

Dashti te arakhĕs lenge kontaktoske date rimosarindos tiro poshtako kodo po

<https://www.electoralcommission.org.uk/i-am-a/voter/your-election-information>

Dashti te arakhĕs mai but informatie po

<https://www.electoralcommission.org.uk/i-am-a/voter/voter-id/applying-a-voter-authority-certificate>

Sĭ iekh termeno k-ashte aplikil anda iekh bilovengo alosarnosko sertifikato?

Va, dashti te aplikis orkana anda iekh alosarnosko sertifikato or dokumento anda anonimo alosarno. O termeno te aplikis anda iekh alosarimos sĭ i ora 5 pala o mesmeri, 6 butiake gesa anglal o votimasko ges.

Te arakhĕs mai but informatie, vi andar sar tiri aplikatia sĭ analizisardi, rode kadava sĭkavimos e

Alomaske Komisiako dino ke ofiteria anda alosarimaski registratia (Electoral Registration Officers):

<https://www.electoralcommission.org.uk/running-electoral-registration-england/voter-authority-certificates-and-anonymous-electors-documents/deadlines-applications-voter-authority-certificates-or-anonymous-electors-documents-a-particular>

Dashti te folosiau o alosarnosko sertifikato (Voter Authority Certificate) sar iekh identitetako lĭl e fotografiasa anda aver butia?

Na, o alosarnosko sertifikato sĭ numa k-ashte votis thaj na dashti te avel folosime sar iekh identifikaciako ciaciarimos anda aver butia. Na avela akceptisardo sar iekh dokumento savo ciaciarel o bershimos or e adresa.

Registritia k-ashte votis

Mai trābul te registriau man te votiau, na sī dosta te sīkavau iekh identitetako lil e fotografiasa k-ashte votiau?

Va, e registritia te votis ashol o anglal phird te thos ande praktika tire demokratikane ciacimata. Trābul te registries tut te votis but anglal o alomasko ges, kadia te aves siguro te gātis tut mai anglal!

Sar me registriau man te votiau?

K-ashte te registries tut te votis, dashti te jas po www.gov.uk/register-to-vote thai te ramosares/hramos iekh online formularo. Lel tukā numa nesave minutea. Sa so trābul tukā sī tiro numāro pa nationalo asigurarea (National Insurance Number). Tiro numāro pa nationalo asigurarea (NI) sī folosime ando registriatiako proceso sar iekh uniko identifikatoro, o mai lokho thai sigutno modo te konfirmisarel pes kon san tu. Tha na kār peskā grija te na janēs o numāro pa nationalo asigurarea or na-i tut iekh – trābul numa te mukhās tire kontaktoske date kana kārāl pe o registriatiako proceso online, thai e alomaske servisura katar tiro lokalo konsilo ka kontaktizen tut.

Na-i man iekh Numāro pa Nationalo Asigurarea. Me dashti te registriau man te votiau?

Va, dashti te aplikis po portalo anda e online registritia e alosarnoski, tha trābul te mukhās tire kontaktoske date. E alomaske servisura katar tiro konsilo ka kontaktin tut te verifikin tiri identiteta avere feloste, k-ashte gātin/agorisaren o proceso. Sar ekzemplo, von dashti te mangān tukā iekh prandimasko sertifikato, fakturi andar utilitāti or ekstrase katar e banka. Kadia, dashti te registries tut, vi kana na-i tut tusa tiro numāro pa nationalo asigurarea.

Kon dashti te registril pe thai te votil ande Londra?

Ando sasto bārsh 2023, e cetateania britaniko, irlandezia, andar o Commonwealth thai EU, save beshen ande Londra dashti te registrin pe thai te votin. Tha andar kodia kā UK inklistias andar e Evropaki Unia, e votimaske drepturia andar nesave cetateania andar UK dashtinas te paroven pe ande bārsha kai avena.

Anda aktualizisardi informatia, rode po <https://www.electoralcommission.org.uk/>.

Ke save alosarimata dashti te votiau?

Kana san cetāteano britaniko, irlandezo or andar Commonwealth hai beshes andi Londra, dashti te votis ke sauorrā alosarimata, ke generalo/parlamentaro alosarimata thai referendumuria anda UK, ke lokalo alosarimata thai anda o konsilo e Londrako thai ke alosarimata anda e Londrako Muialo/Londrako Kidimos.

Kana san cetāteano katar UE thai beshes andi Londra, dashti te votis ke lokalo alosarimata, sar sī e alosarimata anda e Londrako lokalo konsilo thai anda e Londrako Muialo/Londrako Kidimos. E londonezia katar EU dashti te votin ande kadala alosarimata ando maio 2024.

Orasar, andar e Alomasko Akto (2022), paruvimata anda so dikhāl kon dashti te votil dashti te aven andi zor/ te kārān pe *pala* o shon maio 2024, kana nesave londonezia andar EU (kodola save na sī

cețateania katar e Polonia, e Portugalia, e Spania thai o Luxemburg, kodola save avile pala o 1 ianuario 2021 thai kodola saven na-i len legalo beshimos) dashti te hasaren lenge alomaske drepturia.

Anda mai but aktualizisardi informatia rode po <https://www.electoralcommission.org.uk/>.

Trăbul te avel man 18 bārsh k-ashte registriau man te votiau?

Na, kadaia si iekh doshalo hatiarimos kai kārāl pe butvar. Andi Londra thai ande aver thana e Angliake dashti te registries tut te votis katar 16 bārsh, tha na dashti te votis ji kana ka avel tut 18 bārsh.

Na-i man fikso adresa. Dashti te registriau man te votiau?

Va, tu dashti. But jene na-i len fikso or permanento adresa, thai nesave andar lende dashti te aven bikhārāske. Tu dashti te registris tut te votis and-iekh than kasa sî tut po but phandlimos or kai beshes po but vaxt/timpo, kārindos iekh deklaratia anda o lokalo phandlimos/koneksiunea. Sî iekh specifiko formularo te registris tu ando kadava kazo – dahti te arakhās les po <https://www.gov.uk/government/publications/register-to-vote-if-you-havent-got-a-fixed-or-permanent-address>

Kana registriau man te votiau, me som registrisardo sarre jivimate/viatate?

Na, trăbul te registris tut palem kana paruves tiri adresa, tiro legalo anau or tiro nationalitatea. E manusha kai si len dui nationalitati trăbulas te registrin pe palem kana lien pengo britaniko cețatenia andar kodia kã anel lasa saste votimaske drepturia.

Sî iekh termeno k-ashte registriau man te votiau?

Dashti te registris tut te votis orkana kames. Orsar, tiri aplikatia te registris tut na sî analizisardi sigo, kadia kã si lasho te registris tut sar sigo dashti anglal e alosarimata. E data ekzakto anda o termeno te rigistris tut te votis k-iekh alosarimos ka avel sîkavdi publiko mai anglal, tha generaloste o termeno sî opre-tele dui kurke anglal o alomasko ges.

Kana registriau man te votiau, trăbul te votiau?

Na sî musaiutno te votis ando UK. Kana tu san registrisardo te votis, dashti te alos te votis or te na votis. Tha na dashti te votis kana na registrisardian tut mai anglal te votis.

Avantaje kã san registrisardo ko voto thai kã sî tut iekh akceptisardo identitetako lil e fotografiasa k-ashte votis

So avantaje sî kã san registrisardo te votis thai kã les tukã iekh identitetako lil e fotografiasa k-ashte votis?

I registratia ko voto del tukã o shaiutnimos/e posibilitatea te folosies tire demokratikane drepturia, save/kai sas phares line thai na sî anda saurrã londonezia.

Kana san registrisardo te votis sa kadia lasharel tiro kreditosko skoro andar kodia kã e shaiutne/posibilo kreditoria dashti te roden ando alomasko registro/alomaski lista te verifikin tiro anau thaj tiri adresa. O alomasko registro si sa kadja folosime te alosarel pe participantia anda o serviso pa jurio (manusha kai kãrãn e kris)– variato jurii sî len po but baxt te aven len verdiktea mai lashe.

Tu les i decizia te kames te votis or na. Tha kana tu san registrisardo te votis thai sî tut o lasho identitetako lil e fotografiasa k-ashte votis dashti te kãrãs tiro glaso te avel ashundo anda e pharimata kai sî importante anda tute, anda tire familiate thai tire komunitatea, anda e Londrake thai e themeske avutnimaste.

Mîrre date

Kas ka avel les akceso ke mire date kana me registriau man te votiau or aplikisarau anda iekh bilovengo alosarnosko sertifikato (free Voter Authority Certificate)?

Tire date thai tiro voto ka aven rakhle hai andi siguranta. Tha kana tu daras andar tiro sekuritatea , dashti te dikhãs kana san eligibilo te votis anonimo. E phîrda kai mangãn pe anda kadava proceso sî disponibilo po

<https://www.electoralcommission.org.uk/i-am-a/voter/register-vote/register-vote-anonymously>

Kana tu daras anda e sekuritatea pa tiri personalo informatia, sar sî te aves po "pîtãrdo registro" kai dashti te avel kindi/tindi katar iekh trinto kotor, dashti te na alos o pîtãrdo registro kana kãrãl pe o registratiako proceso online. Tu ashola po "sasto registro" kai sî folosime e alomaske servisurendar e distriktoskã (sar sî te bishalel/tradel votimaske lila anglal e alosarimata) thai folosime te verifikil pe e kreditenge aplikatie/o kreditosko skoro. Kadaia buti sî aver de sar te aves registrisardo anonimo, kana tire date na ka dikhãn pe po lengo "pîtãrdo registro" or "sasto registro".

Votimaske moduria

Sî mai but votimaske moduria?

Va, palal so registrisardian tut te votis, dashti te votis personalo k-iekh votimaski sekcia ando alomasko ges; te votis andar e poshta (kana tu na san ando foros ando alomasko ges, sar sî kana san ande vakanta); or te votis andar iekh aver manush/reprezentanto (kadaia buti sîkavel so rugis iekh aver jeno kas tu prinjares pativalo te votil anda tute, sar sî kana tu san nasfalo).

K-ashte votis andar iekh manush/reprezentanto or andar e poshta, trãbul te rimosares suplimentaro formulare anglal o alomasko ges thai te bishales len ke alomaske servisurea e thanutne konsiloske. Kadala formulare thai mai but informatie dashti te arakhãs po websaito e Alomaske Komisiako ke adresa <https://www.electoralcommission.org.uk/i-am-a/voter/apply-vote-post> thai <https://www.electoralcommission.org.uk/i-am-a/voter/apply-vote-proxy>.

Dashti te arakhãs po but date anda e alomaske servisurea tire distriktoske po <https://www.gov.uk/contact-electoral-registration-office>

Trãbul mangã iekh identitetako lil e fotografiasa anda saurrã votimaske moduria?

Na, na trãbul tukã te sîkaves iekh identitetako lil e fotografiasa k-ashte votis andar e poshta or andar iekh aver manush/reprezentanto. O manush kai bishales te votil anda tute trãbul te sîkavel pesko

identitetako lil e fotografiassa ke votimaski sekcia. K-ashte votis personalo ke votimaski sekcia trābul tukā iekh akceptisardo identitetako lil e fotografiassa.

K-ashte votis andar iekh aver manush/reprezentanto or andar e poshta, trābula te rimosares suplementaro formulare anglal o alomasko ges thai te bishales len ke alomaske servisurea e thanutne konsiloske. Kadala formulare thai mai but informatia dashti te arakhās po websaito e Alomaske Komisiako ke adresa

<https://www.electoralcommission.org.uk/i-am-a/voter/apply-vote-post> thai

<https://www.electoralcommission.org.uk/i-am-a/voter/apply-vote-proxy>

Dashti te arakhās po but date anda e alomaske servisurea tire distriktoske po

<https://www.gov.uk/contact-electoral-registration-office>

So paruvimata sī ko alosarimos anda iekh aver manush/reprezentanto kai me trābul te janau?

Sī paruvimata ko alosarimos anda iekh aver manush/reprezentanto andar o shon oktobro 2023.

Avela thodi iekh limita ko numāro e manushengo anda kai iekh jeno dashti te votil. Ka aves limitisardo te votis anda dui jene, bi te avel importanto so relatia si tut lentsa. Numa kana e jene anda save/kai votis sī alosarne andar UK kai beshen ande aver thema, tu dashti te votis anda ji ko shtar jene.

Sa kadia, ka avel posibilo te aplikis anda nesave tipuria e votoske andar iekh aver mansush online. Tu na dashti te aplikis online kana tiri aplikatia trebul te avel ciaciardi (adaia buti mangāl pe anda e jene kai si registrisarde te votin anonimo) or kana tu aplikis te votis sigo/urgento andar iekh manush. El dui aplikatie, online thai po papiri, ka mangel verifikatia e identitetaki (e eksceptiasa anda e sigiarde/de urgentā voturia andar iekh aver manush)

Na trābula te sīkaves iekh identitetako lil e fotografiassa k-ashte votis andar iekh aver manush (tire manusheskā ka trābul iekh akceptisardo identitetako lil e fotografiassa). Sī aver verifikatie, vi i verifikatia pa tiri semnātura, vi pa tiri data le kārīmastī. Anda iekh aktualizisardi informatia po voto andar iekh aver manush/reprezentanto rode po

<https://www.electoralcommission.org.uk/i-am-a/voter/apply-vote-proxy>

Tranzitiake procesea ka oven gātīme kana sī tut iekh aranjamento te votis andar iekh aver manush/reprezentanto.

So paruvimata sī ko voto andar e poshta kai me trābul te janau?

Sī paruvimata dikhindos o voto andar e poshta katar o shon oktobro 2023.

Iekh lashi aplikatia anda o poshtako voto ka avel valido k-ashte votis andar e poshta anda maksimum trin bārsh. Palal trin bārsh trābul te aplikis palem kana kames te votis mai dur andar e poshta. Dashti te aplikis te votis andar e poshta online or folosindos iekh papiriako formularo thai tiri identiteta ka avel verifikisardi sar iekh kotor e procesosko. O serviso online kārāl pes akana thai ka ovel testirime k-ashte garantil pe so sī lasho thai aksesibilo anda e alosarne.

Na trābula te sīkaves iekh identitetako lil e fotografiassa k-ashte votis andar e poshta. Sī aver verifikatie, vi i verifikatia pa tiri semnātura, vi pa tiri data le kārīmastī. Anda iekh aktualizisardi informatia pa o voto andar e poshta rode po

<https://www.electoralcommission.org.uk/i-am-a/voter/apply-vote-post>

Tranzitiake procesea ka oven gātīme kana sī tut iekh poshtako voto.

Alosarimos personalo

Kai dashti te arakhau mîrri votimaski sekcia?

Kana san registrisardo te votis personalo, iekh votimasko lil ka ovel tradino/bishaldo ke tiri registrisardi adresa anglal o votimasko ges. Po lil ovela rimosardi e adresa e votimaske sekciaki kai tu trābul te votis – dashti te votis numa ke kadaia votimaski sekcia, thai dashti te ovel iekh thanutno, publiko vazdimos/konstrukcia sar sî iekh shkola, iekh religioso or komunitaro centro. Ka ovel pîtiardi katar 7 teharin ji ko 10 riat ando alomasko ges. Na dara kana hasarās tiro votimasko lil – na trābul tukā te votis (numa kana san registrisardo te votis anonimo) thai dashti te arakhās tiri votimaski sekcia rimosarindos tiro poshtako kodo ke adresa

<https://www.electoralcommission.org.uk/i-am-a/voter/your-election-information>

So ka avel ke votimaski sekcia?

1. Kana ka aresās ke votimaski sekcia, iekh membro kai kārāl buti othe ka mangāl tukā tiro anau thai tiri adresa, thai ka verifikil kã san pa alomaski lista.
2. Von ka mangān te dikhān tiro identitetako lil e fotografiasa, ([te verifikin kana sî akceptisardo](#)), thai kana mial tusa. Kana san ([registrisardo te votis anonimo](#)), ka mangān tukā te sîkaves tiro votimasko lil (poll card) thai o dokumento anda anonimo alosarno (AED). Iekh privato zona avela disponibilo kana alosarās te verifikin tukā tiro identitetako lil e fotografiasa ando privato. Kadaia dashti te avel iekh privato soba/kamera, or iekh zona rigiardi jekhe barandestar/paravanostar, sarkone votimaske sekciate si aver felos.
3. Pala so tiro identitetako lil e fotografiasa sas verifikisardo, o membro andar e votimaski sekcia ka shinel tiro anau katar e lista thai ka del tukā iekh votosko lil e kandidatenta kai dashti te votis. Dashti te den tukā mai but sar iekh votosko lil kana sî mai but sar iekh alosarimos ande tiri zona ando saiekh ges.
4. Le tiro votosko lil (or lila) ande votimaski kabina, k-ashte votis sekreto. Te drabarās/cities atento e sîkavimata po votosko lil. Nesave alosarimata sî len diferime metode, thai kadia trābul te oves siguro kã rimosares shukar orso votosko lil.
5. Rimosar tiro votosko lil iekhe kreionosa kai del pes tukā ande votimaski kabina. Dashti te rimosares vi tire piksosa kana kames. Te na mai rimosares khanci po papiri, andar kodia kã tiro voto dashti te na ovel ginavdo. Kana kãres iekh dosh, na tho tiro votosko lil ando votimasko mohton/votimaski urna. Te mangās e manushen kai kārān buti ke votimaski sekcia te den tukā iekh aver votosko lil te rimosares les palem.
6. Kana gātisardian, bandiar tiro votosko lil thai tho les ando votimasko mohton/votimaski urna.

Sar ka avel verifikisardo mîrro identitetako lil e fotografiasa kana sî man o mui paciardo e dikhlosa andar religiosa motivea?

K-ashte mukhās e manushen kai kārān buti ke votimaski sekcia te verifikin te sîkaves sar ando tiro identitetako lil e fotografiasa, von ka mangān tukā te des tukā tele, anda xarno vaht/timpo, o dikhlo kai paciarel tiro mui, k-ashte dikhān tiro mui. E muieske dikhle dashti te oven phiravde ando votimasko proceso.

Te kames, dashti te mangās kai iekh juvli kai kārāl buti ke votimaski sekcia te verifikil tiro identitetako lil e fotografiasa, thai e manusha katar i votimaski sekcia ka jutisaren tut, kana sî shaiutno/posibilo.

Dashti te mangās kai tiro identitetako lil e fotografiasa te ovel verifikisardo ando privato. Iekh privato than ka ovel disponibilo ande votimaski sekcia. Kadala mangimata trābulas te oven kārde diskreto

thai e lashimasa. Na trābul te phenes sostar kames kadia, thai na trābulas te mangān tukā te anes eksplikatie sostar kames kadia.

Iekh dikhlimos ovela disponibilo k-ashte oves siguro kā tiro muiesko dikhlo beshel lasho anglal te jas katar e privato zona.

Kana na kames te des tukā tele o muiesko dikhlo thai e manusha kai kārān buti ke votimaski sekcia na dashti te verifikin tiro identitetako lil e fotografiasa, dashtilas te na den tukā iekh votosko lil.

Sar ka avel verifikisardo mīrro identitetako lil e fotografiasa kana sī man iekh muieski maska andar sastimaske motivea.

K-ashte mukhās e manushen kai kārān buti ke votimaski sekcia te verifikin te sīkaves sar ando tiro identitetako lil e fotografiasa, von ka mangān tukā te des tukā tele e muieski maska, anda xarno vaht/timpo, k-ashte dikhān tiro mui. Kadava mangimos mangāl pe kana sī tūt iekh kovlo imuno sistemo or phiraves maska andar aver sastimaske probleme.

Dashti te mangās te verifikin tukā o identitetako lil ando privato. Iekh privato than ka ovel disponibilo ande votimaski sekcia. Kadala mangimata trābulas te oven kārde diskreto thai e lashimasa. Na trābul te phenes sostar kames kadia, thai na trābulas te mangān tukā te anes eksplikatie sostar kames kadia.

Kana na kames te des tukā tele e muieski maska thai e manusha kai kārān buti ke votimaski sekcia na dashti te verifikin tiro identitetako lil e fotografiasa, dashtilas te na den tukā iekh votosko lil, thai na dashti te votis.

Sar e manusha kai kārān buti ke votimaski sekcia ka len e decizia kana e fotografia pa mīrro identitetako lil mial/semīniel dosta mantsa?

E manusha kai kārān buti ke votimaski sekcia ka dikhān ke fotografia thai ko anau po tiro identitetako lil e fotografiasa k-ashte verifikin kā sī saiekh e anuasa pa alomaski lista. Kana na san siguro kā tiri fotografia ka ovel prinjardi, dashti te aplikis anda iekh bilovengo alosarnosko sertifikato (Voter Authority Certificate) iekhe neve tire fotografiasa. Kana daras te sīkaves tiro gendero, o alosarnosko sertifikato na-i les iekh genderosko semno.

Me sīm koro/dikhau hantsī, so jutimos si anda mande ke votimaski sekcia?

Palal o Alomasko Akto (2022), mangāl pe katar e Alomaske ofiteria (Returning Officers) – oficialo manusha kai kontrolisaren e alosarimata – te dikhān e manushendar e dizabilitetosa, te kārān lengā konditie anda iekh independento/biumberavdo thai sekreto voto. E Alomaske ofiteria trābul te respektin e Alomaske Komisiako gido/sīkavimos pa aksesibilitate.

K-ashte jutisaren e kore alosarnen thai kodolen kai dikhān hantsī, saurrā votimaske sekcie trābul te aven len:

- Iekh dispozitivo k-ashte votis azbaindos
- Iekh bari printisardi kopia e votoske lileski kai sī dini sar referinta/informatia
- Amplifikatoria
- Mai but dud/lumina

- Jutimos katar e manusha kai kārān buti ke votimaski sekcia, k-ashte oves jutisardo te jas ke votimaski kabina thai te markizes tiro voto kana sî trābutno.

Mangāl pe katar e Alomaske ofiteria te dikhān anglal so trābul e manushengā katar lengi zona thai dashti te ristiaren suplimentaro ekipamento, sar sî dispozitive audio k-ashte jutisaren varekas te votil independento/korkoro thai sekreto. [Drabaren mai but pa Alomaske Komisiako gido/sīkavimos anda e Alomaske ofiteria.](#)

Sar dashti tu te mangās iekh lashi adaptatia ko tiro sastimasko pharimos ke votimaski sekcia?

Dashti te mangās jutimos ando alomasko ges katar e manusha kai kārān buti ke votimaski sekcia thai von ka ajutin tut kadia lasho sar dashtin von. K-ashte oves siguro kā e butia jan shukar, dashti te ramosares ko tiro Alomasko ofitero or ke lokalo alomaske servisurea, te phenes lengā kā mangās lashe adaptatie ko tiro sastimasko pharimos te dashti te votis independento/korkoro. K-ashte arakhās lenge kontaktoske date, dashti te folosis [o rodimasko instrumento anda o poshtako kodo e Alomaske Komisiako](#), thai te folosies o modelo e notifikatiake lilesko katar RNIB te kontaktizes len: [Mar kadava linko anda o modelo e notifikatiake lilesko.](#)

Sa kadia, sas dine indikatie e manushengā kai kārān buti ande votimaski sekcia k-ashte dudiarel pe/te ovel klaro kā e aplikatie anda mobilo telefonea (sar sî "Seeing AI" kai dashti te folosil e artificialo godi k-ashte citil zorale glasosa printisarde tekste), or dispozitive kai bariaren o video, dashti te oven folosime katar e kore manusha thai kai dikhān hantsî k-ashte votin, sar iekh lashi adaptatia ko sastimasko pharimos.

So trābul te kārāu kana sî man pharimata ke votimaski sekcia?

Kana sî tut pharimata ke votimaski sekcia or kames te phenes le avrengā pa tiri eksperienta, dashti te kontaktis e ekipa anda alomaske servisurea ko tiro lokalo konsilo. K-ashte kontaktizes tiri lokalo ekipa anda alomaske servisurea, ramosar o poshtako kodo athe [-https://www.electoralcommission.org.uk/i-am-a/voter/your-election-information](https://www.electoralcommission.org.uk/i-am-a/voter/your-election-information)

Votimos anonimo

So si e anonimo registratia?

Kana varekon registril pe te votil, pesko anau thai peski adresa ovena sīkavde pi alomaski lista.

Kana varekon daral kā pesko anau thai peski adresa, sīkavde pi alomaski lista, dashtinas te thon peski siguranta ando risiko, dashti te mangāl te registril pe sar anonimo alosarno.

Kadia ka dikhān pe e rimosarimata po alomasko registro/alomaski lista:

FBC412 Vella, John 59 Green Lane

BC413 Vella, Veronica 59 Green Lane

Kadia sīkaven e anonimo rimosarimata pi alomaski lista:

BC602 N

"N" sīkavel iekh alosarno registrisardo anonimo. Kadaia buti kamel te phenel kā e manusha kai sī registrisarde te votin anonimo dashti te votin, tha lengo anau thai lengi adresa na ka aven pi alomaski lista.

Me dashti te registriau man anonimo?

Sarkon kai kamel te registril pe te votil anonimo trābul te:

- Ramosarel iekh formularo
- Phenel sostar peski siguranta or e siguranta varekaski andar pesko khār avelas ando risiko kana peske date sī pi alomaski lista.
- Anel dovada/ciaciarimos te konfirmisarel/ciaciareel peski registratia
- Bishalel palpale o formularo, eksplikatia thai ciaciarimos/dovada ko lesko lokalo konsilo.

Dashti te des tele iekh gido/sīkavimos pa sar te votis anonimo, kai sas kārdo ando parteneriato e organizatiasa Women's Aid, vi o formularo, ke adresa

<https://www.electoralcommission.org.uk/i-am-a/voter/register-vote/register-vote-anonymously>

Kana trābul tukā jutimos te registris tut anonimo, dashti te kontaktizes tiro lokalo konsilo. K-ashte arakhās lenge kontaktoske date, rimosar tiro poshtako kodo ke adresa

<https://www.electoralcommission.org.uk/i-am-a/voter/your-election-information>

Me sīm registrisardo anonimo, sar o mangimos anda o identitetako lil e fotografiasa parugel o votimos personalo?

E anonimo alosarne, kai kamen te votin personalo ke votimaski sekcia, ka trābul te sīkaven iekh dokumento anda anonimo alosarno (Anonymous Elector's Document) sar lengo akceptisardo identitetako lil e fotografiasa. Kadava sī iekh dokumento kai sī les tiro alosarnosko numāro thai iekh fotografia kārdi katar tiro lokalo ofitero pa alomaski registratia pala so kār dias pe e verikatia tire identitetaki. Sar iekh anonimo alosarno, na dashti te folosies aver akceptisarde identitetake lila e fotografiasa. Ka mangān tukā te sīkaves tiro votimasko lil (poll card) thai o dokumento anda anonimo alosarno kana votis personalo.

Orkon si registrisardo deja te votil anonimo or registril pe te votil anonimo anglal e alosarimata, ka ovel akhardo te mangāl iekh dokumento anda anonimo alosarno katar o lokalo konsilo. Sa kadia, dashti te kontaktizes o lokalo konsilo te mangās iekh. Dashti te arakhās lenge date rimosarindos tiro poshtako kodo ke adresa

<https://www.electoralcommission.org.uk/i-am-a/voter/your-election-information>

Sar me aplikiau te lau iekh dokumento anda anonimo alosarno (Anonymous Elector's Document)?

Kana mangās iekh dokumento anda anonimo alosarno, ka trābul te sīkavel:

- O anau
- I adresa
- I data le kār imasti
- O numāro pa nationalo asigurarea

Kana na janēs tiro numāro pa nationalo asigurarea, dashti te rodes les po salariako fluturasho/paparudiorri or pa oficalo lila pal e takse, pensia or jutimata. Kana na dashti te arakhās les, dashti te ramosares tiri aplikatia, thai ka mangān tukā te sīkaves aver identitetake lila k-ashte verifikin tiri identiteta, sar sī iekh biandimasko/kār imasko sertifikato, bankosko ekstraso or faktura pal e utilitāti. Tiro konsilo ka kontaktil tut te rezolvisarel kadaia buti, kana mukhās tire kontaktoske date.

Sa kadia, dashti te rugis varekas, kai tu janēs, te del iekh ciaciarimos/atestatia ko lokalo konsilo k-ashte verifikil pes tiri identiteta kana na-i tut aver akceptisardo ciaciarimos e identitetako. Tiro lokalo

konsilo dashti te del po but informatie pa kon dashti te del iekh ciaciarimos/atestatia. Dashti te arakhäs e kontaktoske date anda lende rimosarindoi tiro poshtako kodo ke adresa <https://www.electoralcommission.org.uk/i-am-a/voter/your-election-information>

Sar sîkavel iekh dokumento anda o anonimo alosarno?

Iekh dokumento anda o anonimo alosarno sî les e vorbe/alaua 'Elector's Document' rimosarde opral thai na phenel pal o statuso e alosarnosko, kã sî registrisardo te votil anonimo.

Iekh dokumento anda o anonimo alosarno anderiarel:

- E data kana sas dino avri
- Tiri fotografia
- Tiro alomasko numãro (kai sî o numãro kai/savo ka anklel pi alomaski lista ando than tire anauesko thai tire adresako)
- Iekh lasho identifikatoro (iekh kombinatia e 20 literengi/grafemengi thai numerengi dine katar o software kai si folosime e ofiterurendar e alomaske registratiake)

Kana san iekh anonimo alosarno, trãbul te anes tiro dokumento anda o anonimo alosarno kana jas ke votimaski sekcia. Na trãbul te anes tusa iekh suplimentaro akceptisardo identitetako lil e fotografiasa.

So avela ke votimaski sekcia?

E anonimo alosarne ka trãbul te anen lengo votimasko lil thai lengo dokumento anda o anonimo alosarno kana von jan ke lengi votimaski sekcia.

Kana aresäs, iekh membro andar e votimaski sekcia ka arakhäl tut thai ka:

- Mangäl tukã te dikhäl tiro votimasko lil – trãbul te phenes/des tiro anau thai tiri adresa
- Arakhäl tiro alomasko numãro pi lista
- Verifikil tiro dokumento anda o anonimo alosarno
- Khosäl/cinel tut katar e lista thai ka del tukã tiro votosko lil.

Iekh privato zona ka ovel disponibilo ke votimaski sekcia k-ashte verifikin tukã ando privato o dokumento anda o anonimo alosarno. Kadaia dashti te ovel iekh rigiardi kamera/soba, or iekh zona rigiardi katar iekh paravano/barand, ande votimaske sekcie dashti te oven diferime/verver.

Trãbul te votiau personalo kana me sîm registrisardo anonimo?!

Na, kana kames te na votis personalo ke votimaski sekcia, dashti te mangäs te votis andar e poshta or andar iekh aver manush/reprezentanto. O identitetako lil e fotografiasa na mangäl pe kana aplikis or votis andar e poshta or andar iekh aver manush/reprezentanto. Tire manusheskã ka mangän te sîkavel lesko akceptisardo identitetako lil e fotografiasa ke votimaski sekcia.

K-ashte votis andar e poshta or andar iekh aver manush/reprezentanto, trãbul te rimosares suplimentaro formularea anglal e alosarimasko ges thai te bishales len ke alomaske servisurea tire lokalone/thanutne konsiloske.

Kadala formularea thai aver informatie dashti te oven arakhle pe Alomaske Komisiako websaito <https://www.electoralcommission.org.uk/i-am-a/voter/apply-vote-proxy> thai <https://www.electoralcommission.org.uk/i-am-a/voter/apply-vote-post>

Dashti te arakhās informatie pa alomaske servisura tire distriktoke rimosarindos tiro poshtako kodo ki adresa <https://www.electoralcommission.org.uk/i-am-a/voter/your-election-information>

Po but aksesibilo thai aver resurse anda e alosarne

Kai dashti te arakhau aksesibilo resurse andar e alosarnoski registratia thai informatia andar e alosarnosko identitetako lil?

Orkone bārsheste, o GLA kārāl digitalo thai printisarde resurse ande mai but vakiarde/vorbinde/dine mui shibia ande Londrake komunitatea. Dashti te arakhās len po GLA Democracy Hub ke adresa <https://registertovote.london/>. Kothe dashti te mai arakhās vi resurse anda e kashuke londonezia thai kai sī len dizabilitatea.

E Alomaski Komisia kārāl sa kadia peske informatiake materialea ko nivelu e UK kai tu dashti te arakhās ke adresa <https://www.electoralcommission.org.uk/>.

Kai dashti te arakhau mai but informatie anda alosarne trans thai non- binaro?

Sar iekh beneficiaro kai lias o grantu andi anglutni faza e granturenge programoski anda i kampania GLA Voter ID, LGBT Hero kārādas iekh centru anda e alosarnoske identitete lila, e resursentsa anda e komunitates LGBTQ+, vi e specifikone resursentsa anda alosarne trans thai non-binaro.

Dashti te arakhās len po

<https://www.lgbthero.org.uk/pages/category/lgbtq-photo-voter-id-london-elections>

Kai dashti te arakhau aver komunitates – specifiko informatie thai resurse?

Traveller Movement sas sa kadia iekh beneficiaro e granturenge programosko thai dashti te arakhās lenge resurse anda e romane komunitates Gypsy, Roma thai Travellers ki adresa

<https://travellermovement.org.uk/operation-traveller-vote>

E Britaniako Musulmano Konsilo kārādas nishte sīkavimata kai sī disponibilo po

<https://mcb.org.uk/local-elections-2023-voter-id-and-face-coverings/>

Kas trābulas te votiau?

Saurrā materialea thai o aktivimos andar e publiko informisarmaski kampania anda e alosarnosko identitetako lil, koordinisardi katar o GLA, thai o bershutno Kurko anda e Alosarnengi Registracia ke Londra (the annual London Voter Registration Week) sī sasteste impartialo/objektivo thai na-i len phandlimos iekhe politikane partidosa. Nici o GLA, nici o Shout Out UK na den vast/jutisaren niekh politikano partido or kandidato, thai andar kodia ame na phenas amare dikhimata/opinie andar sar te votin e londonezia.

Iekh andar e lashe butia anda so dikhāl e registratia ko voto thai kā trābul te oves siguro kā sī tut o lasho identitetako lil e fotografisa k-ashte votis, sī kā arakhās tire shaiutne/potentialo thanutne/lokalu or themunte/nationalo reprezentantia thai kā les e decizia kon kames tu te reprezentisarel tut thai tire interesea. Dashti te rodes korkoro po <https://whocanivotefor.co.uk/> thai te les e decizia. Inkār godiate, tiro voto sī tiro glaso thai tiro glaso sī importante! #NoVoteNoVoice